



Юрт тараққиёти йўлида бирлашайлик!

# Ishonch

2021 йил  
28 январь  
пайшанба  
№ 15  
(4455)

Ўзбекистон касабаси уюшмалари Федерацияси нашри • Газета 1991 йил 21 мартдан чиқа бошлаган • www.ishonch.uz • e-mail: ishonch1991@yandex.uz

## Кун нафаси

Ўзбекистон Республикаси Президенти Шавкат Мирзиёев ва Корея Республикаси Президенти Мун Чже Ин олий даражада илгари эришилган келишувларга мувофиқ 28 январь кунини видеоконференция шаклида учрашув ўтказдилар.

Президент раислигида ёшларнинг бандлигини таъминлаш ва бўш вақтини мазмунли ташкил этиш чора-тадбирлари муҳокамаси юзасидан видеоселектор йиғилиши ўтказилди.

Ўзбекистон Республикаси ва Франция Республикаси ташқи ишлар вазирликлари ўртасидаги сиёсий маслаҳатлашувнинг 12-раунди видеоконференция шаклида бўлиб ўтди.

Нурафшон шаҳрида Халқ депутатлари Тошкент вилояти Кенгашининг навбатдаги сессияси бўлиб ўтди.

Юртимизда меҳмон бўлиб турган Индонезия парламенти парламентларо ҳамкорлик қўмитаси раисининг ўринбосари Мардани Али Сера бошчилигидаги делегация Самарқандда бўлди.

Халқ таълими вазири тизимдаги ислохотлар учун Олий Мажлис Сенатидан ёрдам сўради.

Фарғона вилоятида умумий амалиёт шифокори ўрнига оилавий шифокор ва унга ёрдамчи сифатида 5 нафар ўрта тиббиёт ходимидан иборат «тиббий бригадалар» ташкил этилмоқда.

187 нафар юртдошимиз Россиянинг «ЭНКА ИНШААТ ВЕ САНАЙ АНОНИМ ШИРКЕТИ» қурилиш компаниясида вақтинча меҳнат фаолиятини амалга ошириш учун Тошкент-Санкт-Петербург ҳамда Тошкент-Қозон йўналиши бўйича чартер рейс орқали жўнаб кетди.

«103» хизмати 2019 йилда 10 миллионга яқин қақирқич қабул қилган бўлса, 2020 йилда бу кўрсаткич 11 ярим миллионга яқинлашган. Бу ҳақда Соғлиқни сақлаш вазирлиги жамоатчилик билан алоқалар бўлими маълумот берди.

Коронавирус инфекциясига чалинганлар дунёда 100 миллион кишидан ошиб кетди. 2 миллион 149 минг 385 нафар бемор вафот этди. Ҳозиргача 55 миллион киши ушбу касалликдан соғайган.

Америкаликлар Саудия Арабистони ҳудудида қўшимча ҳарбий базалар қуришни режалаштирмоқда.

Франция парламентидаги социалистлар ва республикачилар партияси депутатлари дебатда коронавирусга қарши кураш доирасида мамлакатда такрорий карантин жорий қилинишига қарши чиқди.

2021 йилги Осиё чемпионлар лигасининг гуруҳ bosқичига қуръа ташланди.

АҚШ Сенати Блинкенни давлат котиби лавозимига тасдиқлади.

## Мақтабгача таълим:

### БОЛАЖОНЛАР ЭКОЛОГИЯНИ ҚАНДАЙ ЎРГАНАДИ?

Мақтабгача таълим вазирлиги янги лойиҳага қўл урди. Унга кўра, эндиликда пойтахтимиздаги танлаб олинган 13 та мақтабгача таълим ташкилотиде болалар табиатга эҳтиёткорона муносабатда бўлиш, теварак-атрофни ифослантирмаслик, чиқиндиларни саралаб жойлаштириш бўйича билим ва тушунчаларни ўйин усулида ўрганишади. Бунинг учун Мақтабгача таълим вазирлиги Европада хавфсизлик ва ҳамкорлик ташкилоти, Британия-Ўзбекистон барқарор ривожланиш компанияси ва «Хашар Week» ижтимоий лойиҳаси билан биргаликда янги дастур ишлаб чиқди.

Зебо НАМОЗОВА,  
«ISHONCH»



КЕЛГУСИ СОНЛАРДА ЎҚИНГ...

Мақтабга фаррошлар керакми?

Истиқбол ишончи қандай мустаҳкамланмоқда?

Коррупцияни йўқота оламизми?



Фарғона вилояти

Касабаси уюшмаси кўмагида

Таҳлил

## Кўнгилда ёнган чироқ

Мубина Мелиқўзиева мактабни тамомлагач, олий ўқув юртига кира олмади. Бундан бироз тушкунликка тушгани рост. Айни ўша дамда тadbиркор Феруза Маматқулова ҳаракатчан ёшларни йиғиб, ишга таклиф қилаётган эди. Мубина ҳам улар сафига қўшилди. Дастлаб 800 минг, кейин 1 миллион, ҳозир эса бир ярим миллион сўм маош олмоқда. Мухими, унинг қалбида истиқболга ишонч чироғи порламоқда.



Бугун касабаси уюшмалари нафақат эҳтиёжманд хотин-қизларга кўмак кўрсатяпти, шу билан бирга, янги иш ўринларини кўпайтиришга асос бўладиган истиқболли лойиҳаларни ҳам қўллаб-қувватламоқда.

Ўзбекистон туманида фаолиятини бошлаган «Universal international» корхонаси тайёрлаётган мавсумий пайпоқларга талаб анча юқори. Шу боис, корхона раҳбари Феруза Маматқулова иш кўламини ошириш ва янги иш ўринларини кўпайтириш мақсадида Фарғона вилояти касабаси уюшма ташкилотлари бирлашмасига лойиҳаларини тақдим этган эди. Лойиҳа истиқболли, деб топилиб, Федерациянинг хотин-қизлар муаммоларини ўрганиш ва ҳал этиш, уларни моддий ва маънавий қўллаб-қувватлашга қаратилган манзилли дастури асосида тadbиркорга 100 миллион сўм миқдорда имтиёзли кредит ажратилди.

Ушбу маблағ эвазига замонавий пайпоқ тўқиш ускуналари харид қилинди, йигирмадан ортиқ янги иш ўринлари яратилди. Ишлаб чиқариш ҳажми ортди. Эндиликда, ҳар кун 4 минг дона ўн турдан ортиқ маҳсулотлар тайёрланмоқда.

– Нимасини айтасиз, касабаси уюшмалари томонидан ажратилган маблағ бизга жуда асқотди. Асосий эътиборни ишлаб чиқариш ҳажминини ошириш, сифатини яхшилашга қаратяпмиз, – дейди Феруза Маматқулова. – Бу маҳсулот ҳажми ва турларини икки бараварга кўпайтириш, ўттизга яқин янги иш ўрни яратиш имкониятини беради. Мухими, янги лойиҳаларимиз нафақат

ички, балки ташқи бозорга ҳам маҳсулот етказиб беришда қўл келади.

– Ёшим 19 да, – дейди Дилафрўз Рустомова. – Ойлик маошларимиз яхши. Тушлик беришади. Ишонч уйимга яқин. Мухими, биз, ишчиларга яратилган шароит аъло даражада.

Жамшид ЭРГАШЕВ,  
«ISHONCH»



Қорақалпоғистон Республикаси

Нуқтаи назар

## МўЙНОҚДА КАЗИНО ҚУРИЛАДИМИ?

Moynaq 69  
Shag'irli 52  
Na kim ata 13  
Aliy awli 3



Бундан икки йил олдин мўйноқда казино қурилиши ҳақидаги хабар аҳоли орасида анча шов-шув уйғотганди. Ваҳоланки, казино, деганда тасаввуримизда ақшнинг лас-вегас шаҳри пайдо бўлади.

»» 3



АОКАда Бандлик ва меҳнат муносабатлари вазирлиги Бош давлат меҳнат ҳуқуқ инспектори Гулруҳбегим Ниязметова иштирокида ўтказилган брифингда **МАЪЛУМ ҚИЛИНИШЧА** ([https://t.me/Rasmiy\\_xabarlar\\_Official/12878](https://t.me/Rasmiy_xabarlar_Official/12878)):

«Ishonch» газетасининг 2021 йил 9 январь кунги сони ([https://t.me/gazetalar\\_sharhi/6755](https://t.me/gazetalar_sharhi/6755))да chop этилган Пастдарғом тумани 81-умумий ўрта таълим мактабидан директор ўринбосари О.Мирзаевнинг ноқонуний равишда ишдан бўшатилаётгани ҳақидаги «Буйруққа айланган тавсия...» сарлавҳали мақола бўйича Давлат меҳнат инспекцияси томонидан ўрганиш ўтказилган.

Ўрганиш натижасида директор ўринбосарининг ноқонуний равишда ишдан бўшатилагани ўз тасдиғини топди ҳамда фуқаролик ишлари бўйича Пастдарғом туманлараро судига фуқарони ишга тиклаш бўйича даъво аризаси киритилди.

[https://t.me/gazetalar\\_sharhi](https://t.me/gazetalar_sharhi)





